

¹ CULLU Antonino in Numidia. *Victoris* Episcopi Cullenfis meminit Collatio Carthagenensis.

² RUSICADE Antonino in Numidia, vulgò *Astora*. *Verulus* Episcopus à Rusicade adfuit Concilio Carthagenensi tertio.

³ VAGA Ptolem. lib. 4. c. 3. *Libofus* Episcopus Vagenfis est apud D. August. lib. 3. contra Donatistas cap. 6.

VICUS NIGRAS in territorio Vagenfi; Asclepius Vici Nigratis Episcopus Gennadio de Illustrib. Scriptor. cap. 73. Sic enim optimi Codices MSS. isthic legunt: & Nigrensis Majorum Episcopus Donatista. Lucius in Coll. Carthag. Maximianus Bagajensis ex Donatista Catholicus Episcop. S. August. Epist. 238. LUCAS HOLSTENIUS.

⁴ LARES Ptolem. ibid. cujus civitatis Episcopus *Hortensius* est apud D. Cyprianum in Concilio Carthagenensi.

DRUSILLIANA Tab. Peut. XII. m. p. à Laribus. Hinc Rufinus Drusilianensis in Coll. Carthag. LUCAS HOLSTENIUS.

⁵ MILEUM Æthico in Cosmographia. *Restitutus* Episcopus Milei habetur in Concilio Constantinopolitano quinto.

⁶ IDICRA Antonino. *Marcianus* ejus Episcopus adfuit Collat. Carthag.

⁷ CUICULUM eidem Antonino, cujus Episcopi *Pudentiani* meminit D. Augustinus lib. 7. contra Donatistas cap. 35.

NOBAS-PARSA eidem Antonino. *Felix* hujus civitatis Episcopus recensetur in Notitia Africae.

DIANA Antonino in Numidia, cujus Episcopi *Fidentii* memoria est in Collatione Carthagenensi.

⁸ GEMELLÆ Antonino in Numidia. ⁹ *Litæus* Episcopus à Gemellis subscripsit Concilio Carthagenensi tertio.

¹⁰ CULLICITANIS Antonino in Numidia. *Vincentius* Culufitenfis Episcopus adfuit Collationi Carthagenensi.

LAMBIRI eidem Anton. cujus Episcopi *Benenati* mentio est in Not. Afr.

¹¹ ZAMA Straboni lib. 17. Azama Ptol. lib. 3. cap. 3. hodie *Zamora* dicitur. *Marcellum* Episcopum à Zama habet Divus Augustinus lib. 7. contra Donatistas cap. 17.

¹² SINITU, Simitu ut putant Antonini in Numidia. *Stephanus* Sinitenfis Episcopus est in Notitia Africae, & in Collatione Carthagenensi ¹³ *Cresconius*, quæ etiam habet *Benenatum* Simittensem: unde dubium est an eadem sit cum Simittu.

NOTE LUCÆ HOLSTENII.

¹ *Cullu*] Plinio [in Numidia. *Victoris* Episc. Cullenfis] Cullitenfis sive Cullitani [mem. Coll. Carth.]

² *Rusicade*] Plinio [in Numidia &c.] *Victor* Rusicadiensis apud Optatum Milev. lib. 1. & S. Augustinum lib. contra Fulgentium cap. 12. unus Traditorum fuit & condemnator Cæciliani.

³ *Vaga*] Maximianus Bagajensis Episcopus, de quo Rivius in vita Augustini p. 312. Hic celebratum fuit Concilium Vagajense Donatistarum cccx. Episcoporum, ut apparet ex S. Augustino lib. de unitate Ecclesiæ cap. 18. ubi & Vagaitanum vocatur.

⁴ *Lares*] Meminit hujus loci Procopius 2. Vandalic. pag. 154. Sed quia obliquo casu Laribus vulgò appellabatur, Procopius rectum casum inde format, *Λάρεις* βε ἐν πόλει *Λάρεις*, & ἐς *Λάρειον*, & sic Antoninus Suritæ Laribus. *Victorius* Larenfis in Coll. Carth. [Episcopus *Hortensius*] *Hortensianus* [est apud D. Cyprian. in Conc. Carthag.] Hinc Vitulus Larenfis Concil. Bonifatii, sed in Proconsulari. Et *Restitutus* Laritenfis in Collat. Carth.

⁵ *Mileum*] est sine dubio Milevum, de quo infra in hac eadem Provincia.

⁶ *Idicra* &c.] & Felix Idicrenfis Donatista apud Optatum Milevitanum lib. 2.

⁷ *Cuiculum* &c.] *Cresconius* Cuiculitenfis Coll. Carthag. Elpidophorus Cuiculitanus in Concilio Grati, *Victor* Cuiculitanus in Notitia Africae.

⁸ *Gemella*] fuit Colonia Romana sub Hadriano Imperatore, ut Ligorius ex ejus nummo docet

ÆLIA. HADRIANA. GEMELLINA. Ortelius Africae propriæ tribuit.

⁹ *Litæus*] Litæus [Episcop. à Gemel. subscr. Conc. Carth.] sub S. Cypriano & Epist. Cypriani 77.

¹⁰ *Cullicitanis*] eadem cum Culsita sive Colulsita supra pag. 90.

¹¹ *Zama*] Regia. COLONIA ÆLIA HADRIANA AUGUSTA ZAMA REGIA in veteri inscriptione. Fuit enim Jubæ Regia, teste A. Hirtio & Vitruvio lib. 8. cap. 4. quem vide. [Marcellum Episc. à Zama habet] Concil. S. Cypriani & [D. August. &c.] *Dialogus* Zamenfis Collat. Carthag. & Montanus Donatista unus ex septem Collatoribus. Huc quoque referendum puto *Cresconium* Zabensem inter Episcopos Numidiæ Notit. Africae, ubi Zamensem legendum existimo. Nam Zabi Mauritaniam habetur infra in Mauritania Sitifensi, cujus Episcopus Possessor in eadem Notitia legitur. Quis vero credat Zamam Numidiæ Coloniam insignem, aut tum interisse, aut Episcopum non habuisse, aut ab auctore Notitiæ omisam fuisse?

¹² *Sinitu*] Siniti.

¹³ *Cresconius*] Sigitenfis [quæ etiam habet *Benenatum* *Simittensem*.] supra pag. 89. [Unde dubium est an eadem sit cum *Simitu*] est omnino diversa. Lucullus Episcopus Castelli-Sinitenfis, quod Hipponensis Coloniam vicinum est apud S. Augustinum lib. 22. de Civit. Dei cap. 8. Idem confirmat Epist. 127. Maximinus Sinitenfis ex Donatista Catholicus apud S. Augustinum Epist. 166. & 203. ubi Critic. August. Vide.